

Al vëgn dër bel perié che les informaziuns che dess gní publicades tla Plata dla Ploania nr. 39 por l'edema dai 22 ai 29 d'agost vëgnes en chësc iade comunicades cina en dedemesaledema, ai 18 d'agost, da les 20.00, a anton.gasser@rolmail.net o 348 27 44 517 / 0474 523194

Comun/Azienda Sanitara - Le VAXBUS fej tapa ince a San Martin de Tor tla fraziun da Lungiarü en jöbia, ai 19.08.2021 dales 8.30 ales 12.00 tl zënter (fermada dla coriera). Fá la **vacinaziun cuntra Covid** n'é mai sté tan saurí: "la vacinaziun vëgn da te" é le moto nü cun chël che l'Azienda Sanitara, in colauraziun cun la Crusc Cöcena y la Crusc Biancia, porta la vacinaziun cuntra le Covid ciamó plü dlungia ai/les zitadins/es. Tolésse do la tessera sanitara y le formular anamnestich (ché pó gní descíarié jö dala plata internet dl Comun). La vacinaziun é debann.

PLOANIES SAN MARTIN Y LUNGIARÜ

Por la festa de Santa Maria dal Ciüf á le vësko Ivo Muser scrit na lëtra pastoralá ai credënc dla diozeja cun l'invit ala reflesciun y a ponsé inant. La lëtra é da ciafé sön www.bz-bx.net o tl Sonntagsblatt, tl Segno y tla Usc di Ladins

Dala Diozeja Balsan-Porsenü é gnü ortié fora ales ploanies ai 6 d'agost 2021 chësta comunicaziun:

Le green pass n'é nia scrit dant por jí a mëssa y por tó pert ales funziuns de dlíja. Al n'é gnanca scrit dant por tó pert a prozesciuns.

Le Govern Talian racomana en concordanza cun la CEI (Conferënza Episcopala Taliana) da se tigní avisa ales regoles de precauziun cuntra le Covid. Pro dotes les funziuns de dlíja é da tó le mascherot che stopa bocia y nes, da se dejinfeté les mans, da sté n meter dainciará sc'an é sentá, da sté n meter y mez dainciará sc'an vá. Pro mëssa pó la comuniun ma gní tuta tla man. Le salüt dla pesc ne pó nia gní dé inant se tocan la man. I bocá dal'ega santa dess resté inant öc. Por les prozesciuns é scrit dant da tó le mascherot, da sté n meter y mez dainciará; ciantadus dess sté dui metri dainciará.

La Ciasa de Palsa á daurí danü la bandida por n/na direttur/ia. Por tó pert ala seleziun ciarede www.ciasadepalsa.it. La domanda é sëgn da dé jö ti ofizi dla Ciasa de Palsa cina ai 03 de setëmbre 2021 dales 12.00. Info: 0474 524783.

Ciasa de Palsa: al é gnü scrit fora n concurs publich tres mobilité danter amministrazioni publiche por curí 6 (sis) posc de rode da infermier/a profesional/a (profil profesional n. 64) - ciarede do plü avisa tl'ultima plata dla ploania.

Incö, 15 d'agost, é l i Stödafüch da San Martin che arjigna ca dales 10.00 ales 20.00 tutres, galüc, pommes, bires y boandes da se tó do. Präibel apostede danfora, la marëna cina les 10.00 y la cëna cina les 16.00 por telefon 377 39 46 679. "Frühschoppen" dales 10.00 inant por chi che á le green pass.

En jöbia, 19 d'agost, concert dla Musiga da San Martin dales 21.00 söl paiun a San Martin. Azes ma cun le green pass. Da bur tēp vëgn le concert desdit.



Plata dles Ploanies San Martin y Lungiarü

ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

15.08. - 22.08.21 nr. 38

SANTA MARIA DAL CIÜF

Vangele do Lūca 1,39-56

En chi dis s'á Maria metü sön tru y é jüda debota te na cité tles munts dla Iudea. Ara é jüda tla ciasa de Zacaria y á saludé Elisabeta. Canche Elisabeta á aldí le salüt de Maria, á le môt busié te so gremo. Dailò é Elisabeta gnüda implida dal Spirit Sant y á tlamé cun usc sterscia: Benedida este tö danter les ëres, y benedí é le früt de to corp. Chê sunsi pa iö ch'al vëgn da mè la uma de mi Signur?

Te chël momënt, canch'i á aldí to salüt, á le môt busié dala ligrëza te mi corp. Beata é chëra, che á cherdü ch'al s'adempliss ci che le Signur ti á lascé dî. Dailò á dit Maria: Mía anima lalda la grandëza dl Signur, y mi spirit iubilëia por Dî, mi salvatur. Deach'al á ciaré al'umilté de süa fancela.



Amesa l'isté festejunse na gran festa pascala. Nosta vita é destinada a florí y a porté früt por na racoiüda abundanta. Pro Maria y süa perfeziun odunse y festejunse ci che Pasca significhëia. La jënt, cun döt ci che alda lapró, che l'dí á senté ite te süa creaziun demorvëia, á n travert: la glorificaziun che Chël Bel Dî ti scinca.

I corusc di ciüfs, les tröpes sorts de flus, la richëza y la forza dles erbes, i früc che vëgn coiüs y la racoiüda dai ciampoprá é sëgns dla plenëza dla vita che Chël Bel Dî ó nes scinché y ch'i ne sun nia bugn da s'imaginé y da se mirité.

Al é bel ch'i un podü s',abiné a chësta festa de Pasca dl isté.

Cun Maria orunse ince nos inalzé nosc lalt al patrun de döta la creaziun che ti ó bun a döta la vita. (Image)

EDEMA	SAN MARTIN	LUNGIARÜ	
15.08.20 SANTA MARIA DAL CIÜF <i>Assunta</i>	9.00 Corona a Santa Maria 9.30 Mëssa solëna por la Comunité y benedisciun dl ciüf Prozesciun incër dlijia y benedisciun 18.00 Funziun a Santa Maria	7.55 Corona 8.15 Mëssa solëna por la comunité en onur de Santa Maria benedisciun dl ciüf y benedisciun dl tëmp 15.00 Corona tla capela de S. Ojöp Fr.	
16.08.21 Lönesc <i>Stefan, Alfred, Cristian</i>			
17.08.21 Dedolönesc <i>Iazint, Iuta</i>	19.00 Mëssa + + geniturs de Tone y Elsa Gasser/Videsott + Paul Erlacher de Pire Finazer (Germania)		
18.08.21 Dedemesaledema <i>Elena, Claudia</i>		7.30 Mëssa + Roslinda Deiaco por les püres Animes	
19.08.21 Jöbia <i>Jan Eudes, Sebald</i>	7.30 Mëssa + Elena Pasquin + Friedl Clara, Balzé Corona por Vocaziuns		
20.08.21 Vëndres <i>Bornert da Clairvaux, Samuel</i>	18.30 Adoraziun chîta 19.00 Adoraziun deboriada	7.30 Mëssa + Rita Zingerele Clara defunc dla fam. Eugenio Maieron	
21.08.21 Sabeda <i>Pio X., Isabella</i>	20.00 Mëssa prefestia dl ann + Pia Trebo + + Tone y Purgl Pedevilla, Ju + Martin Dasser (dl ann)	18.30 Mëssa prefestia dl ann + Emma Deiaco + Daniele Pezzei	
22.08.21 21^a DOMËNIA - ann B	9.00 Corona 9.30 Gran Mëssa por la comunité cun benedisciun dl tëmp por les porsones te de gran dificultés	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ojöp Fr.	

Tles dljies olach'al vëgn benedí incö le ciüf, vëgnel porté dan alté cësc cun erbes de medejina infornis cun de vigni sort de flus. Chëstes nes dëida varí dales ries maraties, nes dá speranza, nes tol la tëma dan dala mort y mëna fora n bun tof de ressureziun te chësc monn infeté.

I benediun sëgns dla natöra che á forzes da varí, confidan ch'i ciafun dal alt la forza da afrunté les maraties y la serenité da ti jí zënza pora adincuntra al destin de nosta vita che é tles mans de Dî.